



## АҚПАРАТТЫҚ ХАБАР

2019 жылғы 3 маусым

### 2019 жылғы 24 мамырдан 31 мамыр аралығындағы жекелеген дамушы елдердің валюталары бойынша шолу<sup>1</sup>

31 мамырдағы сауда-саттық қорытындылары бойынша **теңгенің нарықтық бағамы** бір аптада 0,8%-ға әлсіреп (379,36-дан) 382,56 теңге деңгейінде қалыптасты.

Сыртқы валюталық нарықта 2019 жылғы 24 мамырдан 31 мамыр аралығында неғұрлым маңызды оқиғалар Д.Трампының заңсыз көші-қонға қарсы күрес мақсатында АҚШ-қа Мексикадан әкелінетін тауарларға 5% мөлшерде баж жариялауы, Үндістанды АҚШ-қа баж төлемей тауарлар әкелуге мүмкіндік беретін мәртебеден айыру, Пекиннің өнеркәсіпте және әскери жабдықтар өндірісінде қолданылатын сирек кездесетін металдарды АҚШ-қа әкелуге шектеулер енгізу мүмкіндігі туралы хабарларға байланысты АҚШ пен ҚХР арасындағы сауда-саттық тайталастың күшеюі, АҚШ ІЖӨ-нің 1-тоқсанда +3,1% (3,2% алдын алғы деректермен салыстырғанда) өсуін соңғы бағалауын жариялау болды.

Аталған факторлар АҚШ доллары бағамының дамыған елдердің валюталарымен салыстырғанда нығаюына әкелді.

Дамушы елдердің валюта бағамдарының<sup>2</sup> АҚШ долларына қарағанда серпіні мынадай түрде қалыптасты:

- **Түрік лирасы** Түркияға ресейлік ракеталардың жеткізілімін кідірту туралы хабардың, сондай-ақ Түркияның Ресейдің ракетаға қарсы жүйесін жоспарлы сатып алуына байланысты елдер арасындағы шиеленістің алдын алу бойынша Түркия мен АҚШ-тың күш салуларын күтулердің аясында 3,9%-ға (6,08-ден 5,84-ке дейін) нығайды;

- **Бразилия реалы** ел Конгрессінде Президенттің Министрліктерді қайта құру туралы реформа жобасын алға тартуы аясында, сондай-ақ Мексика песосы бойынша қысқа позицияларды ашу үшін инвесторлардың Бразилия реалын пайдалануы аясында 2,5%-ға (4,02-ден 3,92-ге дейін) нығайды;

- **Индонезия рупиясы** S&P халықаралық рейтингтік агенттігінің сенімді экономикалық өсу перспективасы және нақты бюджеттік саясатқа байланысты тұрақты болжаммен елдің тәуелсіз рейтингін BBB- ден BBB-ге дейін көтеруі аясында 0,9%-ға (14 392-ден 14 269-ға дейін) нығайды.

- **Үндістан рупиясы** Д.Трампының АҚШ-қа тауарларды бажсыз әкелу мүмкіндігін беретін, елді АҚШ-тың артықшылық берілген сауда әріптесі мәртебесінен айыру туралы шешімінің аясында 0,2%-ға (69,53-тен 69,7-ге дейін) әлсіреді;

---

<sup>1</sup> шолуды Қазақстан Республикасының Ұлттық Банкі ашық дереккөздердің негізінде апта сайын дайындайды



- **Оңтүстік Африка ранды** АҚШ пен ҚХР-дың сауда-саттық шиеленісінің күшеюі, сондай-ақ инвесторлардың министрлер кабинеті мүшелерінің құрамына қатысты қауіптенулерінің аясында 0,2%-ға (14,41-ден 14,58-ге дейін) әлсіреді;

- **Ресей рублі** мұнай бағасының төмендеуі аясында 1,5%-ға (64,47-ден 65,44-ке дейін) әлсіреді;

- **Мексика песосы** көші-қон саясатының шешілмеген проблемаларына байланысты Мексикадан әкелінетін тауарларға 5%-дық баж енгізу туралы АҚШ Президентінің хабарламасының аясында 3%-ға (19,05-тен 19,62-ге дейін) әлсіреді.



**Дамушы елдер валютасының серпіні (17 маусым 2019=100, индекстің өсуі – валютаның нығаюы)**



Толығырақ ақпаратты БАҚ өкілдері мына телефон бойынша алуына болады:  
 +7 (727) 2704 585  
 e-mail: [press@nationalbank.kz](mailto:press@nationalbank.kz)  
[www.nationalbank.kz](http://www.nationalbank.kz)